

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 i 3/23), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 73. sjednici, održanoj dana 21.03.2025. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman 2, predlagača Kluba poslanika SDP BiH u Skupštini Zeničko-dobojskog kantona podnesen na Prijedlog Zakona o izmjenama i dopunama Zakona o visokom obrazovanju.

II.

Zaključak sa obrazloženjem u kojem su sadržani razlozi zbog kojih se ne prihvata Amandman 2 iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____/25
Datum, 21.03.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport;
1x Stručna služba Skupštine;
1x a/a.

Obrazloženje

PRAVNI OSNOV

Pravni osnov za donošenje Zaključka sadržan je u članu 16. stav (4) Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10 i 3/23).

RAZLOZI ZA DONOŠENJE

U pogledu Amandmana 2 predlagača Kluba poslanika SDP BiH u Skupštini Zeničko-dobojskog kantona podnesen na Prijedlog Zakona o izmjenama i dopunama Zakona o visokom obrazovanju, kojim se predlaže da se u Prijedlogu Zakona o izmjenama i dopunama Zakona o visokom obrazovanju briše član 9., ovim putem ističemo sljedeće:

Predložene izmjene i dopune člana 62. Zakona o visokom obrazovanju („Službene novine Zeničko-dobojskog kantona“, broj: 12/22 i 15/24 - Autentično tumačenje) prije svega se odnose na preciziranje razloga za smjenu rektora, a odnose se na domen finansijskog poslovanja, a imajući u vidu da je članom 17. stav 2 Okvirnog zakona o visokom obrazovanju Bosni i Hercegovini („Službeni glasnik BiH“, broj: 59/07 i 59/09) propisano da: *„Rektor univerziteta, odnosno direktor visoke škole, za svoj rad u domenu akademskih pitanja odgovara senatu, a u domenu poslovanja upravnom odboru“*.

Nadalje, imajući u vidu da je citiranim članom 17. stav 2 Okvirnog zakona o visokom obrazovanju Bosni i Hercegovini utvrđena odgovornost rektora prema upravnom odboru u domenu finansijskog poslovanja, u tome smislu predloženo propisivanje mogućnosti smjene rektora od strane upravnog odbora, i to samo ako to ne učini senat, i samo iz razloga koje spadaju u domen finansijskog poslovanja, tim prije što je i upravni odbor organ visokoškolske ustanove koji ima pravo da usmjerava, kontrolira i ocjenjuje rad rektora ili direktora u domenu finansijskog poslovanja.

U ovom smislu je potrebno naglasiti da odredbe Okvirnog zakona o visokom obrazovanju Bosni i Hercegovini odnosno član 18. Okvirnog zakona o visokom obrazovanju Bosni i Hercegovini ne reguliše pitanje smjene rektora, a imajući u vidu da je navedenim članom propisano:

„ Rektora javnog univerziteta bira senat na osnovu javnog konkursa.

Za rektora može biti izabran nastavnik u naučnonastavnom zvanju redovnog profesora koji ispunjava uvjete za to zvanje na univerzitetu na kojem se prijavljuje.

Direktora javne visoke škole bira senat na osnovu javnog konkursa.“

Ovdje također treba imati u vidu član 63. stav 2 Okvirnog zakona o visokom obrazovanju Bosni i Hercegovini kojim je propisano da: *„Sva pitanja iz oblasti visokog obrazovanja koja nisu regulirana ovim Zakonom regulirat će se zakonima na nivou Republike Srpske i kantona.“*

Shodno naprijed navedenom, predlaže se Vladi Zeničko-dobojskog kantona donošenje Zaključka o neprihvatanju Amandmana 2, predlagača Kluba poslanika SDP BiH u Skupštini Zeničko-dobojskog kantona podnesen na Prijedlog Zakona o izmjenama i dopunama Zakona o visokom obrazovanju.

FINANSIJSKI POKAZATELJI

Realizacijom ovog Zaključka neće biti dodatnih zahvatanja u odnosu na već predviđena finansijska sredstva u planiranom Budžetu Zeničko-dobojskog kantona.